

Broj: 101-3334/20

Datum: 21.12.2020.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH" broj 2/98), a na prijedlog Komisije za javne nabavke ugovornog organa Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *nabavku produkcijske opreme za terenska snimanja slike i zvuka za potrebe RTV Produkcije ugovornog organa Radiotelevizije Bosne i Hercegovine* izabran ponuđač **AUDIO VIDEO CONSULTING d.o.o. iz Sarajeva.**

Obrazloženje

Na temelju Odluke generalnog direktora ugovornog organa Radiotelevizije Bosne i Hercegovine br. 101-2415/20 od 15.10.2020. godine Komisija za javne nabavke je pokrenula proceduru otvorenog postupka nabavke, koji za predmet nabavke ima *nabavku produkcijske opreme za terenska snimanja slike i zvuka za potrebe RTV Produkcije ugovornog organa Radiotelevizije Bosne i Hercegovine.*

Na predmetni otvoreni postupak, objavljen 18.11.2020. godine na web portalu elektronskih javnih nabavki www.ejn.gov.ba pod brojem 113-1-1-100-3-82/20, kao i u „Službenom glasniku BiH“ br. 77/2020 od 27.11.2020. godine, a u skladu sa članom 25. Zakona o javnim nabavkama Bosne i Hercegovine ponudu je dostavio samo jedan ponuđač, i to:

• AVC d.o.o. Sarajevo KM 65.908,85 bez PDV-a KM 77.113,35 sa PDV-om

Provjerom valjanosti Komisija je ustanovila da je ponuda ponuđača **AUDIO VIDEO CONSULTING d.o.o. iz Sarajeva** u potpunosti validna, u skladu sa Zakonom o javnim nabavkama Bosne i Hercegovine, uklapa se u budžet ugovornog organa odobren za ovu namjenu, i u kojoj su ispoštovani svi zahtjevi ugovornog organa iz tenderske dokumentacije.

S obzirom da se radilo o otvorenom postupku nabavke, te da se dodjela ugovora isključivo zasniva, u skladu sa članom 64. stav (1) tačka b) ZJN, na najnižoj cijeni tehnički zadovoljavajuće ponude, Komisija je postupila u skladu sa članom 25. stav (1) tačka e) Zakona o javnim nabavkama Bosne i Hercegovine i izvršila izbor najpovoljnije ponude.

Sa odabranim ponuđačem će se zaključiti ugovor na period od 1 (jedne) godine, računajući od datuma obostranog potpisa ugovora.


Izvještaj Komisije za javne nabavke čini sastavni dio ove Odluke.

Na temelju svega navedenog ugovorni organ Radiotelevizija Bosne i Hercegovine odlučio je kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornim organima, kao prvostepenoj instanci u postupku, u roku od 10 dana od dana prijema iste u pisanoj formi, a u skladu sa članom 101. stav (1) tačka d) Zakona o javnim nabavkama Bosne i Hercegovine.

Saglasan:


Generalni direktor BHRT-a
Belmin Karamehmedović

Dostaviti:

- Audio Video Consulting d.o.o. Sarajevo
- Arhiva